



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆՔՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: info@westernprelacy.org Website: www.westernprelacy.org



ԱԶԳԱՅԻՆ ՎԱՐԺԱՐԱՆՆԵՐԸ ԾԱՇԿԵՐՈՅԹՈՎ ՄԸ ԿԸ ՊԱՏՈՒԵՆ ՎԵՅԱՓԱՐ ՀԱՅՐԱՊԵՏԸ

ՉԱՅԱՏԱՆՔ՝ ՀԱՅ ԴՊՐՈՑԻՆ ՈՒ ՀԱՅ ԴԱՍՏԻԱՐԱՎԿԻՆ ԱՌԱՔԵԼՈՒԹԵԱՆ

- «ԿԻԼԻԿԵԱՆ ԻՇԽԱՆ» ՇՔԱՆՇԱՆ՝ ԲԱՐԵՐԱՐ ՕՍԿՕ ԿԻՐԱԿՈՍԵԱՆԻՆ

Ն.Ս.Օ.Տ.Տ. Արամ Ա. Կաթողիկոսի հովուապետական այժմու այցելութեան առիթով, բազմիցս պերճախօս արտայայտութիւն գտաւ այն ճշմարտութիւնը, թէ Հայ Դպրոցը, անոր ծառայող սպասարկուները, հայ աշակերտն ու մանուկը, նա՛նէ Հայ Դպրոցին սատարող բարերարները յատուկ տեղ ունին Նորին Ս. Օծութեան հոգաձութեան մէջ եւ ան գիտէ ըստ արժանւոյն գնահատել զանոնք, որովհետեւ Հայ Դպրոցն ու մեր եկեղեցին կը կազմեն մեր ազգի պահպանման ու գոյատեւման գլխաւոր յենարանները, ապագայի կերտման գրաւականները:

Այս իրողութիւնը գործնական արտայայտութիւն գտաւ Շաբաթ, 15 Հոկտեմբերի երեկոյեան, Ազգ. Ֆերահեան վարժարանի »Աւետիսեան« սրահին մէջ տեղի ունեցած ճաշկերոյթ-հանդիպումի մը ճամբով: Երեկոն կազմակերպուած էր Ազգ. Վարժարաններու Խնամակալ Մարնինին կողմէ, գործակցութեամբ Ազգ. Վարժարաններուն: Այսպէսով, մեր կրթական համակարգը կ'ուզէր պատիւի իր բաժինը ընծայել հովուապետին, վայելել անոր ներկայութիւնն ու լսել յորդորները, պատգամը:

Շուրջ հինգ հարիւր հայորդիներ ընդառաջած էին նախաձեռնութեան. հրաւիրուած էին մեր վարժարաններու դաստիարակները, առ ի գնահատանք անոնց անձնորդ ծառայութեանց ու հայկական ուսումնարանին առանցքը կազմելու անոնց արժանիքին: Հիւրընկալութիւնը յանձն առած էր Տէր եւ Տիկին Օսկօ եւ Երան Կիրակոսեան բարերար ամուր:

Վեհափառ Հայրապետը սրահ ժամանեց ընկերակցութեամբ Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի եւ յոտնկայս ծափողջոյններով դիմաւորուեցաւ ներկաներուն կողմէ: Ներկայ էին միաբան ու քահանայ հայրեր, Ազգ. Կեդրոնական Վարչութեան եւ Թեմիս ժողովականութեան ներկայացուցիչներ, Հ.Յ.Դ. Կեդրոնական Կոմիտէի ներկայացուցիչն ու անդամներ, Խնամակալ Մարմինի անդամներ,

վարժարաններու տնօրէններ եւ ուսուցիչներ, կուսակցական ու միութենական ներկայացուցիչներ եւ աշակերտներու ծնողներ:

Ճաշի սեղանի շուրջ ստեղծուեցաւ մտերմիկ մթնոլորտ, որուն յաւելեալ համեմ տրամադրեցին աշակերտական պարեր ու երգեր: Խօսք առին Խնամակալ Մարմինի ատենապետ Տիար Մարք Կետիկեան եւ Ազգ. Ֆերահեան վարժարանի տնօրէն Տիար Ժան Գոսաքեան, որ յանձն առած էր հանդիսավարութիւնը: Ան հանդէս եկաւ Վեհափառ Հայրապետին, Առաջնորդ Սրբազանին ու ներկաներուն ուղղուած ողջոյնի խօսքով, եւ լուսարձակի տակ բերաւ Նորին Ս. Օծութեան հովուապետական այցելութեան գլխաւոր նպատակները՝ հոգեւոր վերանորոգում, Հայ Դպրոցի դերին վերաշխուժացում եւ մեր Դատին ի նպաստ աշխատանքներուն, պայքարին հզօրացում: Ան յիշեցուց, որ Վեհափառ Հայրապետը 2011 տարին ձօնած Է Հայ Մանուկին, իսկ մանուկ ըսելով կը հասկնանք ապագայի երիտասարդ սերունդը, որ կարիքն ունի հայեցի դաստիարակութեան ու որակաւոր ուսումի: Ան նկատեց, որ Վեհափառ Հայրապետը անձամբ՝ իր այս այցելութեամբ կը մարմնաւորէ իր առաջադրանքները եւ կ'աշխատի ապահովել դաստիարակչական այս աշխատանքին նիւթական միջոցները: Հանդիսավարը նաեւ նկատել տուաւ, որ Հայ Կինն ու Հայ Ընտանիքն ալ առանցքային տեղ ունին Վեհափառի հոգածու վերաբերմունքին մէջ, իսկ հայ ընտանիք ըսելով՝ կը հասկնուի նաեւ հայ հաւաքականութիւնը՝ Հայաստանի մէջ ու Սփիւռքի. ան յիշեցուց, որ Վեհափառ Հայրապետը վերջերս անգամ մը եւս հայաստանաբնակ մեր անտեսուած ու կեղեքուած ժողովուրդին կարիքներուն ի նպաստ արտայայտութիւն ունեցաւ, միաժամանակ քննադատելով արտագաղթի ալիքները, անդրադարձաւ Վեհափառ Հայրապետին այն աշխատանքներուն, որոնք ի գործ դրուած են մեր ազգային իրաւունքներուն հետապնդման համար, միջազգային բեմերու վրայ: »Վեհափառը մեծ դաստիարակ մըն Է, դաստիարակ՝ բոլոր դաստիարակներուն«, բնորոշեց Տիար Գոսաքեան ու հրաւիրեց Առաջնորդ Սրբազանը, որպէսզի ներկայացնէ Վեհափառ Հայրապետը:

Առաջնորդ Սրբազանը ողջունեց ներկաները, հակիրճ կերպով անդրադարձաւ հովուապետական այցելութեան սկսումէն ետք, շուրջ 10 օրուան ընթացքին արձանագրուած հանդիսութիւններուն, արարողութեանց ու հանդիպումներուն, որոնք տարբեր միջոցներով մարմնաւորումը եղան Վեհափառ Հայրապետի առաջադրանքներուն ու հոգածու վերաբերմունքին: Ան գնահատանքի խօսք ուղղեց հայ դաստիարակներուն, միաժամանակ դրուատելով ու ողջունելով այն հայորդիները, որոնք նեցուկ կը կանգնին հայ դպրոցին ու հայ ուսուցիչին առաքելութեան: Առաջնորդ Սրբազանը մասնաւորաբար կանգ առաւ օրուան հիւրընկալութիւնը յանձն առած բարերար ամուլին Նուիրաբերումին վրայ, նկատել տալով, որ այս վարժարանին շրջափակէն ներս մտնողը, Ազգ. Առաջնորդարան այցելողն ու մեր հաւաքական կեանքին հետեւողներ վկայ են բարերար ամուլին անսակարկ Նուիրաբերումներուն: Ան յայտնեց, թէ այս իրականութեան քաջածանօթ Վեհափառ Հայրապետը որոշած Է այս երեկոյ «իլիկեան Իշխան» շքանշանով պատուել ու վարձատրել բարերարները:

Պարգևատրումը կատարուեցաւ Վեհափառ Յայրապետին ձեռամբ: Նորին Ս. Օծութիւնը դրուատիքով արտայայտուեցաւ Կիրակոսեան ընտանիքին ու ընդհանրապէս Յայ Դպրոցին ու եկեղեցւոյ զօրակցող ազայիններուն մասին, ապա նաեւ հանգամանօրէն անդրադարձաւ Յայ Դպրոցին ու Յայ Դաստիարակին առաքելութեան: Ան անգամ մը եւս հաստատեց, թէ Յայ Դպրոցը կենսական կարեւորութիւն ունի մեր ազգային կեանքին մէջ, իսկ դպրոցին հիմը կը կազմէ հայ ուսուցիչը, որ առաքելութիւնը ունի իբրեւ մարդ ու իբրեւ հայ կերտել նորահաս սերունդները: Նորին Ս. Օծութիւնը մտահոգութիւն յայտնեց, որ որակաւոր ուսուցիչներու թիւը չի համապատասխաներ կարիքին, նաեւ Լիբանանի մէջ զգալի կը դառնայ այս վիճակը. տակաւին, հայ մանուկներ հեռու կը պահուին մեր դպրոցներու հայացնող մթնոլորտէն, ինչ որ կը տանի այլասեռումի ու հայութենէ պարպումի, մինչդէռ Յայ Դպրոցն է որ պիտի ապահովէ մեր վաղուան սերունդներուն հայօրէն աճումը:

PRELACY SCHOOLS BANQUET IN HONOR OF HIS HOLINESS CATHOLICOS ARAM I

- OSKO KARAGHOSSIAN AWARDED THE "PRINCE OF CILICIA" MEDAL

On the evening of Saturday, October 15, 2011, nearly five hundred community members gathered at "Avedissian" Hall for a banquet in honor of His Holiness Catholicos Aram I. The banquet was organized by the Board of Regents, in conjunction with Prelacy Schools. The evening's hosts were Mr. and Mrs. Osko and Yeran Karaghossian.

His Holiness, accompanied by H.E. Archbishop Moushegh Mardirossian, Prelate, arrived at the hall where he was greeted with a standing ovation and great applause from the guests. In attendance were Clergy and Council members, Board of Regents members, Principals, Directors, and faculty of Prelacy Schools, parents, and members of sister organizations.

Welcoming remarks were delivered by Board of Regents Chair Mr. Mark Gedikian, and Principal John Kossakian, who was also the Master of Ceremonies. Mr. Kossakian reflected on the three themes of the Pontifical Visit, which are spiritual renewal, reinvigorating Schools and the Armenian Cause, and the invaluable role His Holiness has had and continues to have in all three arenas. He lauded His Holiness as "a great educator, an educator of educators" and invited the Prelate for his remarks.

The Prelate commended Armenian educators and all those who lend their moral and financial support to the unique mission of Armenian schools and Armenian teachers. He spoke highly of the unwavering and generous support of the evening's host, the Karaghossian family, who have contributed significantly to our community, and announced that in recognition of their benevolence, His Holiness would be awarding them the "Prince of Cilicia" medal.

After awarding them the "Prince of Cilicia" medal, His Holiness commended the Karaghossian family for their support of Armenian Schools. Speaking on the role of Armenian Schools and teachers, His Holiness stated that the Armenian School is the livelihood of our community and the foundation of the school are the teachers who have the mighty responsibility of instructing our youth on becoming good people and good Armenians. He expressed concern on the need for more Armenian teachers, here and in Lebanon as well, and for more Armenian students to attend Armenian Schools.